



REPUBLIKA E SHQIPËRISË

ENTI RREGULLATOR I ENERGJISË

Bordi

VENDIM

Nr. 74, datë 22.04.2020

MBI

DISA NDRYSHIME NË VENDIMIN E BORDIT TË ERE NR. 187, DATË 25.11.2019 “MBI LICENCIMIN E SHOQËRISË “MP-HEC” SH.P.K., NË VEPRIMTARINË E PRODHIMIT TË ENERGJISË ELEKTRIKE NGA HEC “NIÇË” ME KAPACITET TË INSTALUAR 2270 KW.

Në mbështetje të nenit 16 dhe nenit 37, pika 2 gërma “a” të ligjit nr. 43/2015 “Për Sektorin e Energjisë Elektrike”, i ndryshuar; nenit 4, pika 1, gërma “a”, nenit 5, pika 1, gërma “a” dhe nenit 13, të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, e ndryshuar; nenit 15 të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE nr. 96, datë 17.06.2016, Bordi i Entit Rregullator të Energjisë (ERE), në mbledhjen e tij të datës 22.04.2020, mbasi shqyrtoi relacionin e hartuar nga Drejtoria e Licencimit, Autorizimeve dhe Mbikëqyrjes, “Mbi rishikimin vendimit nr. 187, datë 25.11.2019 “Mbi licencimin e shoqërisë “MP-HEC” sh.p.k., në veprimtarinë e prodhimit të energjisë elektrike nga Hec “Niçë” me kapacitet të instaluar 2270 kW”

Konstatoi se:

Bordi i ERE-s me vendimin nr. 187, datë 25.11.2019, ka vendosur:

1. Të licencojë shoqërinë “MP-HEC” sh.p.k., në veprimtarinë e prodhimit të energjisë elektrike nga HEC “Niçë”, me kapacitet të instaluar 2270 KW për një afat 24 vjet e 2 muaj, me kusht që:
 - a. Shoqëria “MP HEC” sh.p.k të depozitojë në ERE pas nënshkrimit, kontratën shtesë të koncesionit, në vijim të miratimit nga Ministria e Infrastrukturës dhe Energjisë, të projektit të zbatimit të përmirësuar të HEC “Niçë”.
 - b. Shoqëria “MP HEC” sh.p.k. të depozitojë në ERE “Lejen e Shfrytëzimit të Ujit” të rinovuar në përputhje me parametrat e ndryshuar, të miratuar nga MIE, brenda 3 muajve nga data e hyrjes në fuqi të këtij vendimi.
 - c. Shoqëria “MP HEC” sh.p.k. të depozitojë në ERE “Lejen Mjedisore” të rinovuar në përputhje me parametrat e ndryshuar, të miratuar nga MIE, brenda 3 muajve nga data e hyrjes në fuqi të këtij vendimi.

2. Shoqëria “MP HEC” sh.p.k. të depozitojë në ERE informacion mbi statusin e çdo dokumenti/leje që i nënshtrohet procedurës së rinovimit, nga institucionet që i lëshojnë ato, jo më vonë se 2 muaj para përfundimit të afatit të parashikuar në këto dokumenta/leje.
 3. Shoqëria “MP HEC” sh.p.k të depozitojë në ERE dokumentacionin e kërkuar para fillimit të operimit të veprës.
 4. Mos plotësimi i kushteve të këtij vendimi përbën shkak për rishikimin e tij.
- Shoqëria MP HEC sh.p.k. i është drejtuar ERE me kërkesën për shtyrjen me 6 muaj të afatit të dorëzimit të miratimit të prurjes së re të ujit, në përputhje me Projektin e Zbatimit të përmirësuar, të miratuar me shkresën e MIE, nr. 11965/1, datë 13.12.2018, në konstatim të situatës së krijuar për shkak të kufizimeve të vendosura për të parandaluar përhapjen e epidemisë COVID-19.
 - Me shkresën e datës 14.03.2020, protokolluar në ERE me nr.289/10 prot., datë 30.03.2020, shoqëria ka përcjellë në ERE shkresën nr. 922 prot., datë 24.02.2020, “Për VNM Paraprake” të Agjencisë Kombëtare të Mjedisit, drejtuar shoqërisë “MP-HEC” sh.p.k., për kapacitetin 2270 kW, në bazë të miratimit të projektit të zbatimit të përmirësuar të HEC Niçë, nga MIE, me nr. 11965 prot., datë 13.12.2018.
 - Shoqëria ka plotësuar në këtë mënyrë kushtin e vendosur në gjurmën c, të pikës 1 të vendimit të ERE nr. 187, datë 25.11.2019.
 - Shoqëria “MP HEC” sh.p.k ka përcjellë në ERE shkresën e adresuar për MIE, nr. 523 prot., datë 24.02.2020, me anë të së cilës bën me dije se përsa i përket kushtit të vendosur në pikën 1, gjurma “a”, të vendimit të licencimit nr. 187, datë 25.11.2019, ka përsëritur shkresën adresuar për Autoritetin Kontraktor, në lidhje me nënshkrimin e kontratës shtesë, duke i kërkuar ministrisë që të shprehet në rast se nuk është e nevojshme që të formalizohet me shtesë kontrate koncesioni. Projekti i Zbatimit të përmirësuar, i cili është miratuar nga MIE me shkresën nr. 11965/1 Prot., datë 13.12.2018. Shoqëria ka deklaruar se është në pritje të kthimit të përgjigjes nga MIE.
 - Përsa i përket kushtit të vendosur në gjurmën b, të pikës 1, të vendimit nr. 187, datë 25.11.2020, shoqëria vetëm në datë 30.03.2020 me shkresën me nr.289/10 prot, ka paraqitur në ERE shkresën nr. 1272/1 prot, të datës 03.11.2019, të Agjencisë së Menaxhimit të Burimeve Ujore drejtuar shoqërisë “MP-HEC” sh.p.k., për dijeni MIE, ku ndër të tjera përcaktohet se për shkak të ndryshimeve që kanë ndodhur në projektin e zbatimit të miratuar nga AKBN-ja, përpara nisjes së procedurave për ndryshimin e kontratës koncesionare me MIE, në cilësinë e Autoritetit Kontraktor duhet të aplikojë pranë Agjencisë së Menaxhimit të Burimeve Ujore (AMBU) për marrjen e autorizimit për miratimin në parim për përdorimin e burimit ujor nga KKV-ja.
 - Agjencia e Menaxhimit të Burimeve Ujore (AMBU) saktëson se këto ndryshime duhet të reflektohen në kontratën koncesionare të lidhur mes MIE dhe shoqërisë “MP-HEC” sh.p.k., dhe se shoqëria duhet të aplikojë për leje pranë Zyrës së Administrimit të Basenit Ujor Shkumbin-Seman, pas plotësimit të dokumentacionit të nevojshëm.
 - Shoqëria ka përcjellë kërkesën me të cilën i është drejtuar Zyrës së Administrimit të Basenit Ujor Shkumbin-Seman, me nr. 342 prot., datë 19.02.2020, “Aplikim për miratim përfundimtar të

prurjes së ujit, të projektit të përmirësuar të HEC “Niçë” dhe bën me dije se është në pritje të përfundimit të procedurës.

- Rezultoni se shoqëria MP HEC sh.p.k. ka plotësuar kushtin e vendosur në pikën 1 gërma “c” të Vendimit nr. 187, datë 25.11.2019 të bordit të ERE.
- Shoqëria “MP-HEC” sh.p.k., është një subjekt tregtar i krijuar si detyrim ligjor i nenit 8 të Kontratës Koncesionare të formës BOT, me nr. 311 Rep dhe nr. 45 Kol, datë 02.02.2009, “Për ndërtimin e HEC “Niçë”, të lidhur ndërmjet Bashkimit të Përkohshëm të shoqërisë “DEVY” sh.p.k. me “ZYFI” sh.p.k. në cilësinë e Koncesionarit dhe Autoritetit Kontraktues, Ministrisë së Ekonomisë, Tregtisë dhe Energjistikës, në zbatim të VKM Nr. 217, datë 21.02.2008 “Për përcaktimin e autoritetit kontraktues për ndërtimin me koncesion të Hec “Niçë”.
- Kërkesa e shoqërisë për shtryjen e afatit të plotësimit të kushteve të parashikuara në vendimin e bordit të ERE nr. 187, datë 25.11.2019, në konstatim të pamundësisë objektive për të përmbushur detyrime të përcaktuara në vendimmarrjen e ERE për shkak të shpalljes së gjendjes së fatkeqësisë natyrore në vend, është e drejtë.

Për gjithë sa më sipër cituar Bordi i ERE-s,

VENDOSI

1. Miratimin e disa ndryshimeve në vendimin e bordit të ERE Nr. 187, datë 25.11.2019, si më poshtë :
 - a) Pika 1 gërma “b” ndryshon: Shoqëria “MP HEC” sh.p.k. të depozitohet në ERE “Lejen e Shfrytëzimit të Ujit” të rinovuar në përputhje me parametrat e ndryshuar, të miratuar nga Ministria e Infratrukturës dhe Energjisë, para fillimit të operimit të veprës.
 - b) Pika 1 gërma “c” shfuqizohet.
2. Drejtoria e Licencimit, Autorizimeve dhe Mbikëqyrjes të njoftojë shoqërinë, Ministrinë e Infratrukturës dhe Energjisë për vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankimi në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI I ERE

Petrit AHMETI